

INUIT ATAQATIGIIT

INATSISARTUNI



Sisimiut, 1. juli 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartunut ilaasortaq Agathe Fontain, Inuit Ataqatigiit)

Apeqqutit:

- 1. Meeqqat inuusuttullu 16-t 24-illu akornanni ukiullit annertuumik innarluutillit innarluuteqarnertik pissutigalugu Kalaallit Nunaanni avataanilu najugaqarallartut ukiumut marloriarlutik tikeraarlutik angalasarnissaannut assigiimmik pisinnaatitaaffeqarnissaat qaqugu timitalerneqassava?**
- 2. Meeqqat inuusuttullu tikeraarlutik angalasarnerat pillugu malitarsissat ataatsimut naliliivigineqarnissaat qaqugumita naammasineqassava?**
- 3. Meeqqat inuusuttullu annertuumik innarluutillit, ukiui apeqqutaatin-nagit, innarluuteqarnertik pissutigalugu Kalaallit Nunaanni avataaniluunniit najugaqarnerisut apeqqutaatinnagu ukiumut marloriarlutik illoqarfigisamin-nut tikeraarlutik tamarmik angalasinnaatitaalernissaat pisariaqartinneqar-nersoq qaqugu qulaajarniarneqarpa?**

Tunnqavilersuut:

Meeqqat inuusuttullu 16-imit 24-nut ukiullit annertuumik innarluutillit Kalaallit Nunaata avataani uninngagallartut ukiumut marloriarlutik Kalaallit Nunaannut tikeraarluni angala-nermut pisinnaatitaaffeqassasut erseqqissaavigeqqullugu qulakkeerneaqqullugulu Naalak-kersuisut peqquneqarnissaannik Inatsisartut aalajangiiffigisassaattut siunnersuut, UPA 2014/176 Inatsisartut upernaq manna ataatsimiimata akuersissutigivaat.

Akuersinermut atatillugu Ilaqutariinnermut Peqqissutisimullu Ataatsimiititaliaq Isumaliutis-siissummi ilaatigut makkuninnga kaammattuuteqarput:

"Tamanna tunnqavigalugu malitarsissat periutsillu allanngortinneqarnissaat Naalak-kersuisut piaartumik qulakkiissagaat ataatsimiititaliamit kaammattuutigineqassaaq, taamaa-liornikkut meeqqat inuusuttullu 16-t 24-illu akornanni ukiullit annertuumik innarluutillit innarluuteqarnertik pissutigalugu Kalaallit Nunaanni avataanilu najugaqarallartut ukiumut tikeraarlutik angalasarnissaannut assigiimmik pisinnaatitaaffeqarnissaat qulakkeerneaqarsin-naaqullugu.

Allannguutissat taakku qaqugu atuutilersinniarneqarnerisut aappasaaneerinissamut akis-suteqaammi Naalakkersuisut nassuiaatigissagaat qinnuigineqarput.

Aammattaaq inunnut annertuumik innarluutilinnut ikiorsiisarneq pillugu malitarsissat iluar-siivigineqarnerini meeqqat inuusuttullu tikeraarlutik angalasarnerat pillugu malitarsissat ataatsimut naliliivigineqarnissaat ataatsimiititaliamit kaammattuutigineqassaaq. Matuma saniatigut meeqqat inuusuttullu annertuumik innarluutillit, ukiui apeqqutaatinnagit, in-narluuteqarnertik pissutigalugu Kalaallit Nunaanni avataaniluunniit najugaqarnerisut apeq-qutaatinnagu ukiumut marloriarlutik illoqarfigisaminnut tikeraarlutik tamarmik angalasin-naatitaalernissaat pisariaqartinneqarnerisooq qulaajarneqartariaqarpoq."

Apeqqutit ullut suliffiusut qulit iluanni akineqarnissaat qinnutigissavara.